

BUDŽET FEDERACIJE BIH ZA GRAĐANE ZA 2023. GODINU



SADRŽAJ:

UVODNA RIJEČ MINISTRICE.....	3
1 PLANIRANJE I TOK BUDŽETSKOG PROCESA	4
2 MAKROEKONOMSKI OKVIR ZA DONOŠENJE BUDŽETA	5
3 BUDŽET FEDERACIJE BOSNE I HERCEGOVINE ZA 2023. GODINU	6
3.1 PRIHODI BUDŽETA.....	7
3.2 RASHODI BUDŽETA.....	9
NAJZNAČAJNIJI PLANIRANI TRANSFERI U 2023. GODINE	15

UVODNA RIJEČ MINISTRICE



Poštovane građanke i građani,

Zadovoljstvo nam je da vam predstavimo finansijski dokument – Budžet Federacije BiH za građane za 2023. godinu, kojim vas želimo upoznati o tome kako se raspolaže javnim novcem.

Obzirom da građani kroz trošenje i ulaganje svoga novca pune budžet, naša je obaveza da na jasan i transparentan način pružimo sve raspoložive informacije o prikupljanu i trošenju budžetskog novca. Nadamo se da će Budžet Federacije BiH za građane pridonijeti boljem razumijevanju budžetskog procesa, načina konstruisanja istog te u konačnici da će dovesti do boljeg upravljanja javnim finansijama.

Ovim dokumentom nastojali smo prikazati prihode Federacije BiH koji se planiraju ostvariti u 2023. godini, te na što se namjeravaju trošiti prikupljena sredstva, odnosno način raspodjele troškova. U prvom dijelu definisali smo osnovne budžetske pojmove i aktivnosti koje se poduzimaju od pripreme do usvajanja budžeta, a u drugom dijelu prikazali smo pojedinačne stavke prihoda i rashoda Vlade Federacije BiH za 2023. godinu.

Nadamo se da ćemo na ovaj način probuditi želju i interes te potaknuti vas na aktivniju participaciju u procesu formiranja budžeta Federacije BiH.

MINISTRICA

Jelka Milićević

A handwritten signature in black ink, appearing to be 'Jelka Milićević'.

1 PLANIRANJE I TOK BUDŽETSKOG PROCESA

Riječ budžet dolazi od francuske riječi bougette koja je u srednjem vijeku označavala kožnu torbu u kojoj su trgovci držali novac, dočim je u Engleskoj riječ budget bila naziv za kožnu torbu u kojoj je ministar finansija u parlament donosio plan prihoda i rashoda države za određeno vremensko razdoblje.

Budžet se nalazi na samom početku svih aktivnosti države i predstavlja plan prihoda i rashoda za tačno određeno razdoblje. Priprema se i izrađuje u skladu sa Zakonom o budžetima u FBiH, a izvršavanje budžeta definisano je Zakonom o izvršavanju budžeta FBiH. Rokovi za sprovođenje aktivnosti na pripremi i usvajanju budžeta definisani su budžetskim kalendarom. Postupak donošenja budžeta opisan je u nastavku teksta.



Prvi korak – do 15-og februara Federalno ministarstvo finansija (u daljnjem tekstu FMF) dostavlja svim budžetskim korisnicima Budžetske instrukcije broj 1. koje sadrže pregled aktivnosti za pripremu budžeta.

Drugi korak – Budžetski korisnici do 15-og aprila dostavljaju FMF-u pregled prioriteta (finansijskih zahtjeva) za izradu Dokumenta okvirnog budžeta (u daljnjem tekstu DOB FBiH). Budžetski korisnici su ministarstva, agencije, zavodi i ostali organi uprave koji su u budžet uvršteni kao budžetski korisnici.

Treći korak - FMF priprema DOB FBiH i isti dostavlja Vladi FBiH do 15-og juna na usvajanje.

Četvrti korak - do 30-og juna Vlada FBiH usvaja DOB FBiH čime isti postaje Preliminarni nacrt budžeta za narednu i dvije sljedeće fiskalne godine.

Peti korak - FMF dostavlja budžetskim korisnicima Budžetske instrukcije broj 2. sa odobrenim početnim gornjim granicama rashoda kojima se utvrđuje ukupan iznos sredstava na raspolaganju za svakog pojedinog budžetskog korisnika.

Šesti korak – do 31-og augusta budžetski korisnici dostavljaju FMF-u budžetske zahtjeve.

Sedmi korak – do 30 septembra konsultacije FMF-a sa budžetskim korisnicima u vezi sa zahtjevima budžetskih korisnika i prioriteta budžetske potrošnje.

Osmi korak – do 31. oktobra FMF dostavlja Vladi Nacrt budžeta za narednu fiskalnu godinu.

Deveti korak – Vlada FBiH do 5-og novembra tekuće godine utvrđuje Nacrt budžeta kojeg premijer dostavlja Parlamentu uz prateću dokumentaciju.


Deseti korak - Parlament usvaja budžet u njegovom konačnom obliku do 31.12. tekuće godine i to je posljednji korak u procesu izrade budžeta.




2 MAKROEKONOMSKI OKVIR ZA DONOŠENJE BUDŽETA



Kako bi se pokazala uspješnost cjelokupne privrede neophodno je pratiti kretanje nekoliko ključnih makroekonomskih pokazatelja. Kao mjera razvijenosti određene ekonomije najčešće se koristi pokazatelj bruto domaći proizvod, (eng. GDP – Gross Domestic Product, BDP u daljnjem tekstu). BDP po glavi stanovnika ili *per capita* ekonomski je pokazatelj koji mjeri odnos između nivoa dohotka zemlje i njenih stanovnika.

Grafikon 1. BDP po glavi stanovnika FBiH 2016. – 2021. god.




$$\text{GDP Per Capita Formula} = \frac{\text{Real GDP}}{\text{Population}}$$


Izvor: Federalna agencija za statistiku, obrada FMF

U postpandemijskoj 2021. godini zabilježen je rast ekonomske aktivnosti u odnosu na 2020. g. BDP Federacije BiH (u daljnjem tekstu FBiH) u 2021. godini iznosio je 25,2 milijarde KM, a realni rast BDP-a u odnosu na prethodnu godinu iznosio je 8,1%. No, 2022. godina obilježena je nemilim ratnim sukobima u okruženju, koji su se negativno manifestirali na privredu u euro zoni, a u konačnici i na privredu FBiH izazvavši visoke stope inflacije. Očekivana projicirana stopa realnog rasta u 2022. g. iznosi 2,7% u odnosu na prethodnu godinu.

Privredna kretanja u cijelom svijetu pa tako i u BiH prvenstveno će ovisiti o razvoju situacije vezane za rat u Ukrajini. Produživanje ili intenziviranje aktualnih ratnih sukoba u Evropi, znatno bi moglo promijeniti tok razvoja ekonomske situacije kako na globalnom nivou tako i u FBiH. Pod pretpostavkom normalizacije eksternih i internih kretanja, projicira se ekonomski rast u FBiH za 2023. godinu od 2,2%.


3 BUDŽET FEDERACIJE BOSNE I HERCEGOVINE ZA 2023. GODINU

Budžet FBiH za 2023. god. (u daljnjem tekstu: Budžet) iznosi **6.725.847.563,00 KM** i veći je za oko 20%, odnosno 1,13 mlrd KM u odnosu na Budžet FBiH za prethodnu godinu. Strukturu predloženog Budžeta FBiH za 2023. godinu karakteriše rast poreznih i neporeznih prihoda, te blagi pad primitaka. Na troškovnoj strani, planirano je smanjenje izdataka za nabavku stalnih sredstava uz povećanje ostalih stavki. Najveće povećanje na rashodovnoj strani budžeta planirano je na poziciji tekućih transfera i drugih tekućih rashoda. U nastavku teksta je detaljno obrazloženje strukture Budžeta za 2023. godinu.



Jedno od temeljnih budžetskih načela na kome se zasniva izrada i izvršavanje budžeta je načelo uravnoteženosti prema kome ukupni prihodi i primici pokrivaju ukupne rashode i izdatke.

Budžet Federacije BiH 2023			
	Prihodi		Rashodi
Prihodi	5.450.847.563	Tekuća rezerva	5.155.000
Primici	905.300.000	Tekući rashodi	5.511.464.524
Kratkoročna razgraničenja	169.700.000	Kapitalni izdaci	1.209.228.039
Izvori sredstava, ostvareni suficit iz ranijeg perioda	200.000.000		
Total prihodi	6.725.847.563	Total rashodi	6.725.847.563



3.1 PRIHODI BUDŽETA

Projekcije prihoda u Budžetu FBiH su sačinjene na osnovu projekcije prihoda od indirektnih poreza Uprave za indirektno oporezivanje BiH, uvažavajući i projekcije makroekonomskih indikatora za BiH za 2023. godinu sačinjene od strane Direkcije za ekonomsko planiranje BiH.




Budžetski prihodi su javni prihodi, primljeni transferi i donacije. Budžetski primici su priljevi novca od finansijske i nefinansijske imovine i zaduživanja.

Ukupni prihodi i primici Budžeta FBiH za 2023. godinu iznose **6.725.847.563 KM** i sastoje se od sljedećih vrsta prihoda:

- **Prihodi od poreza** u iznosu od 4.843,6 mil. KM
- **Neporezni prihodi** u iznosu od 516,7 mil. KM
- **Tekući transferi i donacije** u iznosu od 90,6 mil. KM
- **Primici** u iznosu od 905,3 mil. KM
- **Kratkoročna razgraničenja** u iznosu od 169,7 mil. KM
- **Ostvareni suficit iz ranijeg perioda** u iznosu od 200,0 mil. KM.

U nastavku teksta je grafički prikaz strukture prihoda budžeta po glavnim kategorijama:

Grafikon 2. Struktura prihoda Budžeta FBiH za 2023. godinu - glavne kategorije



Obrada: FMF

Prihodi od poreza imaju dominantan udio u strukturi ukupnih prihoda od 72% i isti obuhvataju:

Prihodi od poreza	
Porezi na dobit pojedinaца i preduzeća	83.221.391
Doprinosi za penzijsko i invalidsko osiguranje	2.683.125.414
Prihodi od indirektnih poreza sa jedinstvenog računa	2.077.226.537
Ostali porezi	25.000
Prihodi po osnovu zaostalih obaveza	30.000
Total	4.843.628.342



Neporezne prihode čine:



Neporezni prihodi	
Prihodi od preduzetničkih aktivnosti i imovine i prihodi od pozitivnih kursnih razlika	378.708.307
Naknade i takse i prihodi od pružanja javnih usluga	125.607.136
Novčane kazne (neporeske prirode)	12.343.432
Total	516.658.875

Primici obuhvataju:

Primici	
Kapitalni primici od prodaje stalnih sredstava	300.000
Primici od finansijske imovine	100.000.000
Primici od dugoročnog zaduživanja	445.000.000
Primici od kratkoročnog zaduživanja	360.000.000
Total	905.300.000



Kratkoročna razgraničenja prenose se kao neutrošena sredstva u 2023. g., za finansiranje kapitalnih infrastrukturnih projekata u iznosu od 169,7 mil. KM.

3.2 RASHODI BUDŽETA




Budžetski rashodi obuhvataju troškove plaća i naknada zaposlenika, doprinose poslodavca i druge doprinose, izdatke za materijal, sitni inventar i usluge, tekuće transfere i druge tekuće rashode, kapitalne transfere, te izdatke za kamate.

Ukupni rashodi i izdaci u Budžetu FBiH za 2023. godinu iznose **6.725.847.563 KM** a čine ih:

- **Tekuća rezerva** u iznosu od 5,1 mil. KM
- **Plate i naknade troškova zaposlenih** planirani su u iznosu od 306,2 mil. KM
- **Doprinosi poslodavaca i ostali doprinosi** u iznosu od 33,3 mil. KM
- **Izdaci za materijal, sitni inventar i usluge** od 131,5 mil. KM
- **Tekući transfere i drugi tekući rashodi** iznose 4.577,3 mil. KM
- **Kapitalni transfere** u iznosu od 325,1 mil. KM
- **Izdaci za kamate** planirane su u iznosu od 138,0 mil. KM
- **Izdaci za nabavku stalnih sredstava** u iznosu od 63,7 mil. KM
- **Izdaci za finansijsku imovinu** u visini od 23,0 mil. KM i
- **Izdaci za otplate dugova** planirani su u iznosu od 1.122,5 mil. KM

Struktura rashoda i izdataka Budžeta prikazana je na sljedećem grafikonu:

Grafikon 3. Struktura rashoda i izdataka Budžeta FBiH za 2023. godinu - glavne kategorije



Obrada: FMF

Sredstva tekuće rezerve koriste se za nepredviđene namjene ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. Sredstva tekuće rezerve mogu iznositi najviše do 3% planiranih prihoda, bez namjenskih prihoda, vlastitih prihoda i bez primitaka.

Tekuća rezerva	
Tekuća rezerva - Vlade Federacije	5.000.000
Tekuća rezerva - Premijera	75.000
Tekuća rezerva - Dopremijera - 1	40.000
Tekuća rezerva - Dopremijera - 2	40.000
Total Tekuća rezerva	5.155.000



Plate, doprinosi i naknade troškova zaposlenih obuhvataju plate i naknade zaposlenih i doprinose poslodavca i ostale doprinose u ukupnom iznosu od 339,5 mil. KM.

Izdaci za materijal, sitan inventar i usluge ukupno iznose 131,5 mil. KM i obuhvataju sljedeće kategorije:

- # **Putni troškovi** (službena putovanja u zemlji i inostranstvu) su planirani u iznosu od 3,0 mil. KM;
- # **Izdaci za energiju** planirani su u visini od 7,7 mil. KM i odnose se na troškove električne energije i drugih energenata;
- # Na stavci **izdataka za komunikaciju i komunalne usluge** planirana sredstva iznose 14,5 mil. KM;
- # **Izdaci za nabavku materijala i sitnog inventara** planirani su u iznosu od 21,7 mil. KM. Značajan dio sredstava sa ove stavke planiran je za nabavku vakcina protiv zaraznih bolesti u ukupnom iznosu od 6,2 mil. KM;
- # Planirana sredstva na stavci **izdataka za usluge prijevoza i goriva** iznose 3,4 mil. KM;
- # Sredstva planirana na rashodovnoj stavci budžeta za **unajmljivanje imovine, opreme i nematerijalne imovine** iznose 9,8 mil. KM. Ove godine Vlada FBiH značajan dio sredstava sa ove stavke planirala je za unajmljivanje letjelice za gašenje požara u iznosu od 3,5 mil. KM. Program praćenja osuđenika putem elektronskih narukvica također zauzima značajnu poziciju u strukturi ove stavke sa iznosom od 1,6 mil. KM;
- # Visina planiranih sredstava na budžetskoj stavci **izdataka za tekuće održavanje** iznosi 5,5 mil. KM.
- # **Izdaci osiguranja, bankarskih usluga i usluga platnog prometa**, kao što su komisioni poslovi, troškovi arbitraže pred međunarodnih sudom MOL/INA, regresiranje kamata i dr., iznose 2,8 mil. KM;
- # Planirana sredstva za **ugovorne i druge posebne usluge** iznose 63,1 mil. KM. Najviše sredstava planirano je za zatezne kamate na sudska rješenja i troškove spora u iznosu od 15,0 mil. KM.

Tekuće transfere i druge tekuće rashode, kao najznačajniju stavku rashodovne strane budžeta sa 68,1% učešća u istom čine:

Tekući transferi i drugi tekući rashodi	
Tekući transferi drugim nivoima vlasti i fondovima	528.062.016
Tekući transferi pojedincima	3.778.100.562
Tekući transferi neprofitnim organizacijama	24.624.800
Subvencije javnim preduzećima	42.298.054
Subvencije privatnim preduzećima i poduzetnicima	180.240.000
Drugi tekući rashodi	23.971.854
Total tekući transferi i drugi tekući rashodi	4.577.297.286

Državni transferi odnose na sume novca koje država osigurava svojim građanima za određenu svrhu, npr. infrastrukturu, poljoprivredu, kulturu i sport, edukaciju, zdravstvo itd.



- # Najviši iznos stavke **tekući transferi drugim nivoima vlasti i fondovima** od 204,0 mil. KM namjenjen kantonima za provedbu strukturnih reformi, te za finansiranje i sufinansiranje infrastrukturnih projekata. U sklopu tekućih transfera drugim nivoima vlasti i fondovima planiran je novi transfer za projekat - Podrška EU BiH u cilju ublažavanja negativnog socio-ekonomskog uticaja energetske krize u iznosu od 90,4 mil. KM. Za sanaciju zdravstvenih ustanova u FBiH planiran je iznos od 75,0 mil. KM., a Zavodu za zdravstveno osiguranje i reosiguranje planiran je iznos od 33,5 mil. KM. i viši je u odnosu na prethodnu godinu za 5,0 mil. KM. Za implementaciju Zakona o roditeljima/njegovateljima u FBiH planiran je iznos od 28,0 mil. KM., kojim će se omogućiti roditelju ili staratelju koji se brine o djetetu ili osobi koja je stopostotni invalid mjesečna primanja u visini minimalne plate. Planirani iznos sredstva za naknade civilnim žrtvama rata nije se mijenjao u odnosu na prethodnu godinu i iznosi 25,0 mil. KM. Ove godine prvi put su planirana sredstva za biomedicinski podpomognutu oplodnju i iznose 10,0 mil. KM, te sredstva za nabavku udžbenika za učenike osnovnih škola od 1. do 5. razreda u iznosu 12,8 mil KM;
- # **Tekući transferi pojedincima** zauzimaju najveći udio u strukturi stavke tekućih transfera i drugih tekućih rashoda 82,5%. U okviru ove pozicije najveći iznos sredstava odnosi se na isplate redovnih penzija 2.686,6 mil. KM. i u odnosu na prethodnu godinu bilježi najznačajnije povećanje od 536,5 mil. KM. Za najranjiviju kategoriju društva – invalide, Vlada FBiH planirala je utrošiti sredstva u svrhu invalidnina u iznosu od 278,0 mil. KM, te 160,0 mil. KM po osnovu transfera za lica sa invaliditetom - neratni invalidi. Transfer za isplatu pokriva dijela penzije po osnovu priznatog posebnog staža Zakona o PIO/MIO iznosi 213,8 mil. KM. Također su planirana viša sredstva no prošle godine za isplate penzija ostvarene po osnovu Zakona o prijevremenom povoljnijem penzionisanju branilaca odbrambeno-oslobodilačkog rata i iznose 122,6 mil. KM. Za implementaciju Zakona o podršci porodicama sa djecom u FBiH planirana su sredstva viša za 56,0 mil. KM u odnosu na prethodnu godinu i iznose 106,0 mil. KM;
- # U okviru **Tekućih transfera neprofitnim organizacijama** iznos od 4,0 mil. KM, prikupljen od prihoda ostvarenih od prometa Lutrije BiH, Vlada FBiH namjerava utrošiti u oblasti kulture i sporta, te u socijalne svrhe, zatim za nauku i obrazovanje, i naposljetku u oblasti zdravstva i poduzetništva. Iznos od 3,8 mil. KM namjenjen za političke stranke i koalicije planiran je u

istom iznosu kao i prošle godine. Transfer za razvoj institucija nauke od značaja za FBiH planiran je u iznosu od 2,4 mil. KM.

- # **Subvencije javnim preduzećima** – sredstva za ovu vrstu subvencija planirana su u nižem iznosu u odnosu na prošlu godinu za 22,7%, a najviše sredstava sa ove stavke planirano je izdvojiti za transfer željeznicama FBiH u ukupnom iznosu od 20,5 mil. KM. Slijedi iznos od 10,5 mil. KM namjenjen za kupovinu naftnih derivata sa ciljem formiranja rezervi naftinih derivata. Iznos od 3,5 mil. KM namjenjen je za subvencije javnim preduzećima na ime uvezivanja radnog staža. Planirana sredstva za Energoinvest d.d. Sarajevo za plaćanje takse Gasprom export-u Moskva iznose 2,6 mil. KM, a po osnovu subvencija troškova električne energije JP Elektroprivredi BiH i JP Elektroprivredi HZHB predviđen je iznos od 2,5 mil. KM;
- # **Subvencije privatnim preduzećima i preduzetnicima** planirane su u višem iznosu u odnosu na prethodnu godinu za 59,9 mil KM odnosno za 50%, a od toga je najviši iznos sredstva od 164,0 mil. KM planiran za podsticaj u oblasti poljoprivrede. Slijedi iznos od 6,2 mil. KM planiran za regresiranje kamata – Garantni fond, te iznos od 4,6 mil. KM za direktne subvencije privatnim preduzećima i preduzetnicima;
- # **Drugi tekući rashodi** bilježe pad u odnosu na 2022. godinu, a na ovoj poziciji najviši planirani rashodi odnose na izvršenje sudskih presuda i ukupno iznose 17,2 mil. KM. Za preuzete obaveze bivšeg FMO i VFBiH-doprinosi PIO/MIO planirana sredstva iznose 1,4 mil. KM.



Kapitalni transferi obuhvataju:

Kapitalni transferi	
Kapitalni transferi drugim nivoima vlasti i fondovima	89.800.000
Kapitalni transferi pojedincima	8.500.000
Tekući transferi neprofitnim organizacijama	2.000.000
Kapitalni transferi javnim preduzećima	224.806.000
Total kapitalni transferi	325.106.000

- # **Kapitalni transferi drugim nivoima vlasti i fondovima**, 29,0 mil. KM sa ove pozicije kapitalnih transfera planirano je za finansijsku pomoć kantonima i općinama za projekte koji se odnose na oblasti putne i komunalne infrastrukture te na objekte obrazovnog, sportskog i kulturnog karaktera.

Iznos od 8 mil. KM planiran za izgradnju bazena u Mostaru, a za izgradnju autocesta, brzih cesta, magistralnih i drugih cesta namjenjen je iznos od 7,0 mil. KM. Za podršku implementacije održivom povratku izbjeglih i prognanih lica sa područja regije Srebrenica planirana su sredstva u iznosu od 5,0 mil. KM;

- # **Kapitalni transferi pojedincima** namjenjeni su za dovršenje izgradnje Klinike za dječije bolesti SKB Mostar u iznosu 7 mil KM , te za nabavku automobila za invalide u iznosu 1,5 mil KM;
- # **Kapitalni transferi neprofitnim organizacijama** iznose 2,0 mil. KM i planirani su za trošenje na ustanove za zbrinjavanje na nivou FBiH;
- # **Kapitalni transferi javnim preduzećima** ostvaruju najveći udio u ukupnim kapitalnim transferima od 69%, a najviši iznos od 147,6 mil. KM Vlada FBiH planirala je utrošiti za izgradnju autocesta, brzih cesta, magistralnih i drugih cesta. Planirani iznos za transfer za izgradnju tunela Hranjen je 20,0 mil. KM. Iznos od 19,7 mil. KM namjenjen je za unapređenje avio prometa FBiH - JP "Aerodrom Bihać", a za sufinansiranje izgradnje željezničke infrastrukture planirano je utrošiti 17,5 mil. KM.

Poziciju izdataka za kamate čine sljedeće stavke:

Izdaci za kamate	
Kamate na pozajmice primljene kroz Državu	109.803.785
Izdaci za inostrane kamate	1.846.651
Kamate na domaće pozajmljivanje	10.300.000
Izdaci za kamate vezane za dug po izdanim garancijama	16.034.826
Total kapitalni transferi	137.985.262



Izdaci za nabavku stalnih sredstava:

Izdaci za nabavku stalnih sredstava	
Nabavka zemljišta, šuma i višegodišnjih zasada	80.100
Nabavka građevina	28.973.177
Nabavka opreme	14.907.106
Nabavka ostalih stalnih sredstava	2.002.500
Nabavka stalnih sredstava u obliku prava	16.900.721
Rekonstrukcija i investicijsko održavanje	884.620
Total Izdaci za nabavku stalnih sredstava	63.748.224

- # **Nabavka građevina**, iznos od 20 mil. KM planiran je utrošiti za smještaj institucija Vlade FBiH, a iznos do 8,9 mil. KM za nabavku ostalih građevina;
- # **Nabavka opreme**, u ovoj skupini izdataka najznačajniji iznos planiran je utrošiti na nabavku razne opreme za budžetske korisnike u iznosu 12,5 mil KM te za zaštitu i spašavanje od prirodnih i drugih nesreća i iznosi 1,6 mil. KM.
- # **Nabavka ostalih stalnih sredstava**, gotovo cjelokupni iznos sa ove stavke od 2,0 mil. KM planiran je utrošiti za nabavku robnih rezervi;
- # **Nabavka stalnih sredstava u obliku prava** – u okviru ove stavke najveći iznos od 7,2 mil KM planiran je za nabavku stalnih sredstava u obliku prava po raznim osnovama za budžetke korisnike, zatim 4,0 mil KM za nabavku stalnih sredstava u obliku prava za letjelicu za gašenje požara, te iznos od od 3,6 mil. KM planiran je za projekat izgradnje Palače pravde FBiH.

Izdaci za finansijsku imovinu:

Izdaci za finansijsku imovinu	
Ostala domaća pozajmljivanja	16.000.000
Ostala domaća pozajmljivanja - Trajni revolving fond	5.000.000
Ostala domaća pozajmljivanja - BEEP-revolving fond	2.000.000
Total Izdaci za finansijsku imovinu	23.000.000



Izdaci za otplatu dugova:



Izdaci za otplatu dugova	
Otplate dugova primljenih kroz Državu	729.595.263
Vanjske otpplate	9.794.107
Otplate domaćeg pozajmljivanja	330.000.000
Otplate unutrašnjeg duga	51.590.445
Otplate duga po izdanim garancijama	1.500.000
Total Izdaci za otplatu dugova	1.122.479.815

- # **Otplate domaćeg pozajmljivanja** odnose se na obaveze po osnovu emitovanja trezorskih zapisa sa iznosom od 310,0 mil. KM, i na obaveze po osnovu emitovanja dugoročnih vrijednosnih papira od 20,0 mil. KM.
- # **Otplata unutrašnjeg duga** – najviši iznos 35,8 mil. KM odnosi se na otplatu ratne tražbine , a iznos od 10 mil. KM planiran je za otplatu obaveza za staru deviznu štednju.



Za unapređenje poljoprivrednog sektora i poboljšanje statusa poljoprivrednika

164,0 mil. KM za poljoprivredne poticaje; 3,3 mil KM za projekt popis poljoprivrede

Za jednaka prava na ostvarivanje potomstva 10,0
mil. KM za biomedicinski potpomognutu oplodnju;



Za dostojanstven život u trećoj dobi

2,7 mlrd KM za isplatu redovnih penzija;
377,2 mil KM za penzije po ostalim osnovama

Za potporu obitelji sa djecom
106,0 mil. KM za isplatu jedinstvenog dječijeg dodatka porodicama sa slabijim imovinskim stanjem;



Za nove pobjede

26,7 mil. KM za izgradnju bazena i sportskih dvorana, te za podršku raznim sportskim događajima



Za unapređenje javnog zdravstva

75,0 mil. KM za sanaciju zdravstvenih ustanova;
5,7 mil KM za nabavku vakcina protiv zaraznih bolesti

Za sigurniju, bržu i udobniju vožnju

159,1 mil. KM za izgradnju autoceste, brzih cesta, magistralnih i drugih cesta; 20,0 mil KM za izgradnju tunela Hranjen



Za pozitivne promjene u svim regijama FBiH

204,0 mil. KM kantonima i 39,0 mil KM općinama za realizaciju strukturnih reformi, te za finansiranje i sufinansiranje infrastrukturnih projekata.



Adresa:

Federalno ministarstvo finansija

Mehmeda Spahe br.5

Sarajevo

71000

Tel.+387 33 253 400

e-mail: info@fmf.gov.ba